



LAERSKOOLO PARK

Tel. 044-691 1020\1
E-Pos navrae@lspark.co.za
Webblad www.parklaerskool.co.za
Skoolhoof Dr A Smith

Kaapweg 49
Posbus 96
MOSELBAAI
6500

29 Oktober 2024

Geagte Ouers

SKOOLFONDS – 2025

Baie dankie aan alle ouers wat getrou en stiptelik skoolfonds betaal. Die skool is totaal hiervan afhanklik vir sy voortbestaan en doeltreffende bestuur. Besondere dank aan elke ouer wat moeite gedoen het om die begrotingsvergadering by te woon. 'n Volledige uiteensetting van die begroting is aan die ouers voorgelê. Daar is regtig gepoog om die verhoging in skoolfonds so klein as moontlik te hou.

Graag versoek ons alle ouers om die Skoolfonds invorderingsproses dokument te onderteken wat by hierdie skrywe aangeheg is. Die dokument moet asseblief volledig voltooi en terug besorg word aan die klasonderwyser, nie later as 29 November 2024.

Op die Algemene Ouervergadering gehou op 22 Oktober 2024, is **gelde vir 2025** soos volg vasgestel :

1.1 Skoolfonds verhoog as volg:

Gr. RR en R	R13 500.00 per leerder per jaar.	
	R1 350 per maand betaalbaar oor 10 maande.	
	'n Deposito van R1 350 per leerder is betaalbaar voor 10 Desember 2024. Hierdie deposito word verreken as u Januarie-betaling.	
	Graad RR en R is informele onderrig en nie verpligtend - geen vrystelling vir graad RR- en R-skoolgeld nie.	
	Skoolbywoning sal opgeskort word indien 30 dae agterstallig.	
	Korting van 5% indien ten volle vereffen voor 29 Februarie 2025 .	
Gr. 1-7	R13 200.00 per leerder per jaar.	
	R1 320 per maand oor 10 maande.	
	Korting van 5% indien ten volle vereffen voor 29 Februarie 2025 .	
Bankbesonderhede	Rekeningnaam	Laerskool Park Skoolfonds
	Bank	Eerste Nasionale Bank (FNB)
	Rekeningnr.	62035 761 081
	Takkode	210-314
	Verwysing	Toelatingsnommer, Kind se naam, van en graad

1.2 Aansoekvorms vir die vrystelling van skoolfonds sal vanaf 15 Januarie 2025 by die kantoor beskikbaar wees. **Volledig** voltooide vorms moet **voor of op 14 Februarie 2025** ingehandig wees. **Geen laat of onvolledige aansoeke sal oorweeg word nie.**

1.3 Vir u gerief beskik die skool oor 'n krediet- en debietkaartfasiliteit. **Ons poog om in die toekoms so min as moontlik kontant te hanteer aangesien dit verligting op bankkoste bring en dit verlaag ook die sekuriteitsrisiko by die skool.**

Indien u van **internetbankdienste (EFT)** gebruik maak, moet die **kind se toelatingsnommer** of **kind se naam en van asook klas** u as verwysing aangedui word. Kontak asseblief die kantoor indien u onseker is oor die verwysing.

1.4 **Rekeningstate word aan die ouers ge-e-pos.** In die geval van enkelouer-gesinne is dit die ouer by wie die leerder woon se plig om die rekening aan die persoon verantwoordelik vir die betaling daarvan te gee/stuur. In hierdie gevalle moet ouers asseblief self wanbetaling (agterstallige rekeninge) tussen die betrokke partye uitsorteer. **Die skool kan nie as tussenganger tussen die betrokke partye optree nie.**

- 1.5 Boekpakkette sal deur **STAT Warehouse** vir 2025 voorsien word. **Hierdie pakkette is verpligtend vir alle leerders vanaf Gr R tot Gr 7.**
- 1.6 Die bestelvorm is hierby aangeheg. Bestellings en betalings word by STAT Warehouse self gedoen en moet **voor 20 Desember 2024** geplaas word. Vir u gerief sal **STAT Warehouse 'n persoon beskikbaar hê by Laerskool Park op 11 Desember 2024** wanneer die rapporte afgehaal word om bestellings vir die pakkette te neem. **Let wel: Slegs kaartbetalings sal aanvaar word.**

Die pakkette word die eerste dag van skool in 2025 vir die leerders by die skool uitgedeel.

GR	STAT WAREHOUSE
R	R310.00
1	R473.00
2	R551.00
3	R351.00
4	R466.00
5	R665.00
6	R476.00
7	R451.00

Die Gr.1-pakket sluit in, 'n stoelsakkie, huiswerksak en potloodsakkie. Die Gr. 2-pakket sluit ook 'n blokfluit in. Al die pakkette sluit ook 'n tuiswerkboek met die skoolreëls en dissiplinêre stelsel in.

Tydens die vergadering is die volgende besluit:

BESLUIT VAN BEGROTINGSVERGADERING VAN OUERS VAN LEERDERS VERBONDE AAN LAERSKOOLO PARK GEHOU OP 22 OKTOBER 2024.

BESLUIT DAT:

- (1) Skoolgeld, ooreenkomstig die bepalings van artikel 38 en 39(1) van die Suid-Afrikaanse Skolewet ("die Skolewet"), vasgestel en gehef sal word;
- (2) Die begroting soos voorgestel deur die beheerliggaam goedgekeur word en dat die beheerliggaam gemagtig word om tekorte wat mag ontstaan op begrote bedrae vir bepaalde items op die begroting aan te vul uit oorskotte wat mag ontstaan by ander items en verder onderworpe daaraan dat die totale begroting nie oorskry word sonder goedkeuring van 'n ouervergadering nie;
- (3) Die skoolgelde betaalbaar sal wees ooreenkomstig die begroting voorgelê deur die beheerliggaam;
- (4) Die volle uitstaande skoolgeld onmiddellik opeisbaar en betaalbaar word indien enige paaiement nie op die vervaldag betaal is nie;
- (5) Alle ouers verplig sal wees om skoolgeld te betaal tensy hulle ooreenkomstig die bepalings van die Skolewet van enige toepaslike regulasies en hierdie besluit van sodanige betaling vrygestel is;
- (6) Ouers wat aanvoer dat hulle nie in staat is om skoolgelde te betaal nie en daarom op algehele, gedeeltelike of voorwaardelike vrystelling van betaling van skoolgeld aanspraak maak (hierna 'n "applikant" genoem) op die wyse soos in artikel 39(4) van die Skolewet, die regulasies daarin beoog en hierdie besluit by die beheerliggaam aansoek moet doen om sodanige vrystelling;
- (7) Die applikant die beheerliggaam op oorwig van waarskynlikhede moet oortuig dat hy/sy op enige sodanige vrystelling geregtig is;
- (8) Die applikant se aansoek:
 - Skriftelik moet geskied in die vorm in die toepaslike regulasies voorgeskryf;
 - Die applikant en enige ander persoon/persone wat kwalifiseer as ouers van die betrokke leerder/s soos in die SA Skolewet gedefinieer en enige ander verdieners in die huishouding se totale jaarlikse en maandelikse bruto inkomste en uitgawe moet uiteensit met dokumente ter staving waar moontlik; die bates (teen markwaarde) en laste van die applikant moet uiteengesit word met dokumente ter staving;
 - Die gesinsamestelling van die applikant moet uiteensit;
 - of daar om algehele, gedeeltelike of voorwaardelike vrystelling van betaling van skoolgeld aansoek gedoen word;
 - Elke moontlike relevante feit wat die applikant ter ondersteuning van die aansoek wil aanvoer, moet bevat.

- (9) Die beheerliggaam geregtig sal wees om sodanige inligting as wat na die oordeel van die beheerliggaam nodig is vir die regverdige en billike beoordeling van 'n aansoek om vrystelling van betaling van skoolgeld, aan te vra of in te samel;
- (10) Geen aansoek om vrystelling wat nie voldoen aan die voorskrifte van hierdie besluit oorweeg sal word nie, tensy die beheerliggaam oortuig kan word dat daar buitengewone omstandighede bestaan wat die nienakoming van die prosedure regverdig;
- (11) Die beheerliggaam geregtig sal wees om die bevoegdheid om 'n aansoek om vrystelling soos hierbo bedoel, te ontvang, te oorweeg en daaroor uitsluitel te gee, aan 'n komitee van die beheerliggaam te delegeer;
- (12) Die applikant binne sewe dae nadat die besluit deur die komitee geneem is skriftelik daarvan in kennis gestel sal word;
- (13) 'n Applikant wat hom/haar verontreg voel deur 'n beslissing van 'n komitee van die beheerliggaam soos in paragraaf 11 bedoel, geregtig sal wees om binne sewe dae na Ontvangs van die uitslag van sy/haar aansoek, skriftelik na die beheerliggaam daarteen te appèleer. Die appèl sal nie deur die beheerliggaam van die hand gewys word sonder dat die applikant geleentheid gebied is om mondeling aangehoor te word nie; Behoudens die reg van 'n applikant om na die Departementshoof van Onderwys te appèleer soos in artikel 40(2) van die Skolewet bedoel, die beslissing van die beheerliggaam finaal is;
- (14) Die enigste maatstaf waarvolgens die komitee van die beheerliggaam sal beoordeel of vrystelling in enige opsig verleen sal word al dan nie, is of die applikant voldoen aan die kriteria vir vrystelling soos uiteengesit in die Skolewet en enige toepaslike regulasies daarkragtens uitgevaardig;
- (15) Hierdie besluit nie die ouer of die skool die reg ontnem om 'n ooreenkoms aan te gaan om die skoolgeld te betaal op 'n ander wyse as dié voorgeskryf deur hierdie besluit nie;
- (16) Die beheerliggaam geregtig sal wees om sodanige voorwaarde as wat redelik geag word vir vrystelling aan 'n applikant te stel.

Baie dankie dat ons vir 2025 kan staatmaak op **alle** ouers se samewerking in verband met die betaling van skoolgelde.

Vriendelike groete



Dr. A SMITH
SKOOLHOOF

